

vnd Vorschreibungen/so sie vber die Hauptsummen haben/der ist
 so dieselbigen solten nach geringerer Münz bezalt vnd geloset
 werden/dann wie die Münze etwan/vnnd an ihr selbst gewest/
 als solche Verschreibung auffgericht / So hette vnd vberkeme
 ein jeder desto weniger/vnd gleich als viel / als Tausend Guldenn
 par Geldes guter alter Münze durch die geringering / vnnd
 fallen der Münz der acht nach zugehet/ also viel würde Tausend
 Guldenn Hauptsumma in der Vorschreibung dem rechten
 werth nach wieder abgehen. Nun bedenck ein jeder ob es auch
 möglich/ das in einen Lande also viel bares Geldes seyn köndte/
 als derselbigen vorschriebenen Hauptsumma / darumb je auch
 des Schadens vnd abgans daran vielmehr seint muß / denn des
 zugangs vnnd gewins an baren Gelde/ doraus ein jeder leichts
 lich hat zuermessen/ das alle die jenigen / die darzu reden / das
 man mit der Münz fallen/vnnd den Silberkäuff erhöhen sol/
 allein auff ihren eigen Münz/vnd gar nichts auff gemeinen nach
 theil achtung geben/welcher denn auch irreflich vnnd vnübers
 wündlichen/ in Erbzinsen würde einwachsen vnd vorfallen.

Die vierdten sein/die aus abgunst der jenen so im Handel
 reich werden/ gerne wolten das sie aus dem Lande kömen / da
 werden vorstanden in gleichnis/die gerne sehen das keine Jüden
 im Lande weren/damit sie dem Bucher allein hetten / das sein
 böse Leute.

Die Letzten seind die/wann sie vorderben/so wolten sie das
 ander auch verdürben / weil sie das ihre verprast/verschwendet/
 vnnd alles vorsast vnnd verpfend das sie haben / das ihnen an
 ihren Stand vnterhaltung mangeln wil/ so möchten sie leiden/
 das der Obriigkeit auch mangelte/ vnnd niemands bezahlen
 dörfsten/damit sie ihre Vntugend desto freyer verbringen möch
 ten. Dieser Leute ist zuhoffen; sollen in diesen Landen nicht
 befunden werden / wenn sie aber dermassen befunden würden/
 were